

## A FRIEND OF GOD

**Introduction:** Sa dihang gibuhat sa Dios ang tawo maayo kaayo ang relasyon sa tawo ug sa Dios.

**Genesis 1:31(MBB)** "Nakita sa Dios nga maayo gayod ang tanan nga iyang gibuhat ug nalipay siya. Milabay na usab ang kagabhion ug miabot ang kabuntagon. Ug kadto mao ang ikaunom nga adlaw."

**Genesis 1:31(AB)** "Ug nakita sa Dios ang tanang butang nga iyang gibuhat, ug tan-awa, kini maayo kaayo. Ug dihay kahapononug dihay kabuntagon, adlaw nga ikaunom."

**Ecclesiastes 7:29(AB)** "Ania karon, kini lamang ang hingsusihan ko, nga ang tawo gihimo nga matarung sa Dios, apan sila nanagpangita ug daghanang mga paglalang."

Apan miabot ang panahon nga ang tawo misupak sa sugo sa Dios. Busa ang tawo nahimong kontra sa Dios tungod ka yang tawo nagmasinupakon man sa sugo sa Dios. Ang kahimtang sa tawo nalayo na sa Dios tungod sa sala.

### 1. BECAUSE OF MAN'S SIN MAN BECAME GOD'S ENEMY

**Roma 3:23** "Nakasala ang tanan ug nahilayo sa Dios."

**Isaias 59:2** "Ang inyo hinuong kalapasan maoy nag-ulang kaninyo ug sa inyong Dios. Ang inyong sala maoy hinungdan sa iyang pagpahilayo kaninyo aron dili siya makadungog kaninyo."

**Jeremias 5:25** "Apan ang inyong kadaotan ug pagkamakasala nakapahilayo niining kaayohan gikan kaninyo."

**Deuteronomio 28:15-22** "Apan ko dili ninyo tahoron ang Ginoo nga inyong Dios ug dili tumanon ang iyang mga sugo nga gihatag ko karon kaninyo, mahiagom kamo niining tanang tunglo: (16) Tunglohon ang inyong kalungsoran ug kaumahan. (17)Tunglohon ang inyong mga abot ug mga pagkaon. (18)Tunglohon ang inyong mga anak, ang abot sa yuta ug ang inyong kahayopan. (19)Tunglohon kamo sa tanan ninyong buhaton.(20)Pahamtangan kamo sa Ginoo ug mga tunglo, kaguliyang ug kapakyasan sa tanan ninyong paningkamot hangtod nga mangamatay kamo ug sa kalit mahanaw tungod sa daotan ninyong mga buhat ug sa pagsalikway ninyo kaniya. (21)Ang Ginoo magpadala kaninyog kamatay hangtod nga mapuo kamo didto sa yuta nga inyo karong adtoan ug panag-iyahon. (22)Kastogohon kamo sa Ginoo pinaagi sa grabing sakit, hilanat, hubaghubag ug sa grabing kainit ug hulaw ug sakit sa mga tanom. Motakboy kini kaninyo hangtod nga mapuo kamo."

## Ang Mensahe Karon

---

Roma 5:12 "Miabot sa kalibotan ang sala pinaagi sa usa ka tawo ug ang sala nagdalag kamatayon. Busa mikaylap ang kamatayon sa tanang tawo kay nakasala man ang tanang tawo."

Roma 8:7-8 "Busa kaaway sa Dios ang tawo nga kanunayng maghunahuna sa mga butang nga tawhanon kay dili man siya matuman sa balaod sa Dios ug dili gayod siya makatuman niini. Ang tawo nga nagkinabuhi sumala sa tawhanong kinaiya dili gayod makapahimuot sa Dios."

### 2. BECAUSE OF CHRIST'S DEATH MAN CAN BECOME GOD'S FRIEND AGAIN

Colosas 1:21-23 "Kaniadto layo kamo sa Dios ug kaaway niya tungod sa daotan ninyong mga hunahuna ug buhat. (22)Apan karon, gipasig-uli na kamo sa Dios ngadto kaniya pinaagi sa kamatayon sa iyang Anak aron makaatubang kamo kaniya nga balaan, putli ug walay sala. (23) Mahimo kini kon magpadayon kamo nga lig-on sa pagtuo ug dili matarog sa paglaom nga inyong nahuptan sa inyong pagdawat sa ebanghelyo. Ako si Pablo, nahimong sulogoon niining ebanghelyo nga giwali ngadto sa tanang mga tawo."

Roma 5:10-11(ABMBB) "Kaniadtong mga kaaway pa kita sa Dios, gipasig-uli kita ngadto sa Dios pinaagi sa kamatayon sa iyang Anak. Ug karon nga kita napasig-uli na ngadto sa Dios, labi pa gayod nga luwason kita niya pinaagi sa kinabuhi ni Cristo! (11) Apan dili lang kay kana ra. Nagmalipayon usab kita diha sa Dios pinaagi sa atong Ginoong Jesu-Cristo nga nagpasig-uli kanato ngadto sa Dios."

Roma 5:10-11(MBB)Kaniadto mga kaaway kita sa Dios, apan gihimo kita niya nga iyang mga higala pinaagi sa kamatayon sa iyang Anak. Ug karon nga kita mga higala na sa Dios, labi pang luwason kita niya pinaagi sa kinabuhi ni Cristo. Apan dili lang kay kana ra; nagmalipayon kita diha sa Dios pinaagi sa atong Ginoong Jesu-Cristo nga nagpasig-uli kanato ngadto sa Dios."

2 Corinto 5:18-19 "Gibuhat sa Dios kining tanan ug siya usab ang nagpasig-uli kanato ngadto kaniya pinaagi kang Cristo ug gihatagan kita niya sa buluhaton sa pagpasig-uli sa uban ngadto kaniya. (19) Maoy among mensahe nga ang Dios pinaagi kang Cristo nagpasig-uli sa tanang tawo ngadto sa iyang kaugalingon. Ang Dios wala na mag-isip sa ilang mga sala, ug gihatagan kami niya sa mensahe unsaon niya pagpasig-uli kanila ngadto kaniya."

Efeso 2:3-4, 13-14 "Kaniadto kitang tanan sama kanila, nagkinabuhi sumala sa tawhanong kailibgon ug sa mga pangandoy sa atong lawas ug hunahuna. Busa tungod sa atong tawhanong kinaiya gikaligutgotan kita sa Dios sama sa tanang katawhan. (4) Apan dako kaayo nga kaluoy ug gugma sa Dios alang kanato. (13)Apan karon nahiusa na kamo kang Cristo Jesus; kamo nga kaniadto layo sa Dios, karon nahiduol na pinaagi sa dugo ni Cristo. (14)Kay si Cristo gayod mao ang atong pakigdait. Gihimo niya ang mga Judio ug ang mga dili Judio nga usa na lamang ka katawhan. Pinaagi sa iyang kamatayon giguba niya ang paril sa panagbingkil nga nag-ulang kanila."

**1 Juan 4:10(MBB)** "Ang matuod nga gugma mao kini: dili kita maoy unang nahigugma sa Dios kondili siya maoy unang nahigugma kanato. Gipadala niya ang iyang Anak aron pinaagi kaniya mapasaylo ang atong mga sala."

**1 Juan 4;10(AB)** "Niini ania ang gugma, dili nga kita nahigugma sa Dios kondili nga siya mao ang nahigugma kanato ug nagpadala sa iyang anak nga halad-pasighiuli alang sa atong mga sala."

**Hebreo 10;10-12,18** "Tungod kay gituman ni Jesu-Cristo ang buot ipabuhat kaniya sa Dios kaniya, nahinloan kitang tanan sa sala pinaagi sa paghalad sa iyang kaugalingong lawas sa makausa lamang ug alang sa tanang panahon. Adlaw-adlaw ang matag pari nga Judio nagbuhat sa iyang relihiyosong tulomanon ug nagsubli-subli paghalad sa samang mga sakripisyo. Apan kining mga sakripisyoha dili gayod makawagtang sa mga sala. Apan si Crsito naghalad ug usa ka sakripisyo alang sa mga sala. Kining sakripisyoha epiktibo hangtod na gayod sa kahangtoran. Ug unya milingkod siya sa tuo sa Dios. (18) Human kini mapasaylo, wala na kinahanglana ang halad aron pagwagtang sa mga sala."

**Roma 3:25-26(MBB)** "Gihatag siya sa Dios aron pinaagi sa iyang dugo mapasaylo ang mga sala sa motuo kaniya. Niining paagiha gipakita sa Dios ang iyang pagkamatarung ug tungod sa iyang pagkamapailubon wala niya tagda ang ilang mga sala kaniadto. Apan karon gitagad na niya ang mga sala sa mga tawo aron pagpakita nga siya matarong ug himoon niyang matarong ang tanan nga motuo kang Jesus."

The evidence that we are now his friends:

**a) If we obey his commandments**

**Santiago 2:21-23** "Sa unsa bang paagiha nga ang atong amahan nga si Abraham giisip sa Dios nga matarong? Dili ba tungod sa paghalad niya sa iyang anak nga si Isaac didto sa halaran? (22)Busa klaro kaayo nga ang iyang pagtuo giubanan sa mga buhat ug ang iyang pagtuo nahingpit pinaagi sa iyang mga buhat. (23)Ug natuman ang giingon sa Kasulatan, 'Si Abraham mituo sa Dios ug tungod sa iyang pagtuo ang Dios nag-isip kaniya nga matarong. Ug siya ginganlag higala sa Dios."

**Juan 15:13-14** "Ang labing dakong gugma nga ikahatag sa usa ka tawo ngadto sa iyang mga higala mao ang paghatag sa kaugalingon niyang kinabuhi alang kanila. Kamo akong mga higala kon buhaton ninyo ang gisugo ko kaninyo."

**1 Juan 2:1-4** "Siya mao ang halad aron mapasaylo ang atong mga sala ug dili lang kay ang ato ra kondili ang mga sala sa tanang tawo. Kon tumanon nato ang mga sugo sa Dios, mapaniguro nato nga nakaila kita kaniya. Kon may moingon 'Nakaila ako sa Dios, apan wala magtuman sa iyang gisugo, bakakon kanang tawhana ug wala kaniya ang kamatuoran."

b) **If we live a holy life / if we live a life pleasing to God**  
(Don't be a friend of the world)

**Santiago 4:4 "Mga maluibon! Wala ba kamo masayod nga ang pagpakighigala sa kalibotan maoy pagpakig-away sa Dios? Kay kadtong buot makighigala sa kalibotan nakig-away sa Dios."**

(What does it mean friendship with the world/ Doing what the world pleases)

**1 Juan 2:15-16 "Ayaw ninyo higugmaa ang kalibotan o bisag unsa nga iya sa kalibotan. Kon higugmaon ninyo ang kalibotan, wala kamo mahigugma sa Amahan. Kay ang tanang butang nga iya sa kalibotan – ang unodnong kahidlaw, ang tanang gikaibgan sa mga mata ug ang tanang gipasigarbo sa tawo – dili kini iya sa amahan kondili iya sa kalibotan."**

**Genesis 3:6 "Sa pagkakita sa babaye nga ang maong kahoy maanindot kaayo ug laming kan-on ang bunga niini ug makapahimo kaniyang maalamon, mikuha siyag bunga ug gikaon niya kini. Unya gihatagan niya ang iyang bana ug mikaon usab siya."**

- The cravings of sinful man

**Galacia 5:19-21 "Sayon kayo pag-ila sa buhat sa tawhanong kinaiya. Makita kini diha sa salawayon nga pakighilawas, hugaw ug hilas nga mga buhat ingon man sa pagsimba sa mga diosdios ug sa pagpamarang. Makita usab kini sa pagdinumtanay, pagbingkilbingkil, sa kasina, sa kapungot, sa kahakog, sa pagkabahinbahin, pagkamasinahon, pagkapalahubog, pagkamaptuyanon sa lawasnong kaibog ug uban pang mga butang nga sama niini. Busa pasidan-an ko kamo karon sama sa akong gihimo kaniadto: ang magbuhat niining mga butanga wala dapit sa Gingharian sa Dios."**

-The lust of the eyes

**1 Timoteo 2:9 "Buot usab ako nga ang mga babaye magmaligdong ug magtinarong sa ilang pagpamisti. Kinahanglan dili sila magpalabig dayandayan sa buhok, o magdayandayan ug mga bulawan o mga perlas o magamit ug mahalong mga sapot."**

**2 Pedro 2:14(AB) "Sila may mga mata nga puno sa panapaw ug dili matagbaw sa sala. Ilang ginahaylo ang maduhaduhaon nga mga tawo. Sila adunay mga kasingkasing nga batid sa kadalo, kaliwatan sila nga tinunglo."**

**Mateo 5:27-28 "Nakadungog kamo nga giingon kaniadto, 'Ayaw panapaw'. Apan karon sultihan ko kamo nga bisan kinsay motan-aw sa usa ka babaye uban sa daotang tinguha nakapanapaw na ngadto kaniya sulod sa iyang kasingkasing."**

-The boasting of what he has & does

**1 Timoteo 6:17-20** "Pahimangnoi ang mga dato nga dili sila magmapahitas-on ug dili magsalig sa bahandi kondili sa Dios. Kay ang bahandi dili makahatag ug kasigurohan apan ang Dios sa walay sukod naghatag kanato sa tanan aron kita malipay. Sultihan sila sa pagbuhat ug maayo ug sa pagpadato diha sa mga maayong binuhatan, sa pagkamahinatagon ug sa pagtabang sa uban. Niining paagiha makatigom sila ug bahandi nga mahimo nilang lig-on nga sukaranan alang sa umaabot ug maangkon unya nila ang kinabuhing matuod."

**Panultihon 28:11** "Maghunahuna kanunay ang mga dato nga sila maalamon, apan ang kabos nga may maayong panabot mas maalamon pa kay kaniya."

**Panultihon 18:11** "Ang mga dato nagtuo nga ang ilang bahandi manalipod kanila sama sa habog nga paril libot sa siyudad."

**Lucas 12:15** "Ug mipadayon siya pagsulti kanilang tanan, 'Pagbantay kamo ug likayi ninyo ang bisan unsang kahakog kay ang tinuod nga kinabuhi sa tawo wala diha sa mga butang nga iyang gihuptan bisan unsa pa siya kadato."

**Lucas 18:25** "Mas sayon pa sa usa ka kamelyo ang pagsulod sa lungag sa dagom kay sa usa ka dato pagsulod sa Ginghamarian sa Dios."

**Jeremias 9:23-24** "Nag-ingon ang Ginoo, 'Dili angay ipasigarbo sa maalam ang iyang kaalam o ipasigarbo sa kusgan ang iyang kusog o sa dato ang iyang kadato. Kon gusto ang tawo magpasigarbo, ang angay niyang ipasigarbo mao nga siya nakaila kanako kay ako, ang Ginoo, maluluy-on man ug nagbuhat sa husto ug matarong."

**Salmo 133:3** "Sama kini sa yamog sa Bukid sa Hermon nga mihugpa sa kabungtoran sa Sion! Didto misaad ang Ginoo sa paghatag sa iyang panalangin nga mao ang kinabuhi nga walay kataposan."

**Roma 6:23** "Kay ang bayad sa pagpakasala mao ang kamatayon apan ang gasa sa Dios mao ang kinabuhing walay kataposan nga anaa kang Cristo Jesus nga atong Ginoo."

**Hebreo 2:3,10-11** "Unsaon man nato paglikay sa silot kon dili kita magtagad niining dakong kaluwasan? Ang Ginoo mismo maoy unang nagbutyag sa maong kaluwasan ug sila nga nagakdungog kaniya nagpamatuod kanato niini." (10) Ang Dios maoy nagbuhat ug nagpalungtad sa tanang butang. Husto gayod siya sa paghingpit kang Jesus pinaagi sa pag-antos aron makaambit sa iyang himaya ang daghang mga anak. Kay si Jesus mao ang nagdala kanila ngadto sa kaluwasan. (11) Kay sila nga gibalaan ug ang nagbalaan kanila may usa lamang ka Amahan. Busa dili maulaw si Jesus sa pagtawag kanila nga iyang mga igsoon."

100%